

Xander Bogaerts ta dal su prome hit den MLB

XANDER Bogaerts no tabata tin mucho problema pa dal su prome hit. E hungador di 20 aña a dreña e wegá di diasabra, cu Red Sox a gana cu score di 4-2 riba Dodgers na di ocho inning. Cu un out den di nueve inning, Bogaerts a dal un hit cu un conteo di 2-2, pa right field. "Mi no kier a warda mucho mas, mi ta hopi contento mi a kita esaki di caminda", Bogaerts a bisa. "Spera e prome di hopi mas". Bogaerts tabata tin cuatro yegada na e plato di MLB den dos wegá t'e cu diasabra, dus den termino di bateo, e no mester a warda hopi pa dal hit. Pero e ultimo biaha cu e tabata tin un hit, tabata augustus 15 pa Pawtucket. E tiro tabata di 97 mph, halto y pafo di e plato. "Mi d'isa spera pa e guy no bula y hasi un catch style superman", Bogaerts a bisa di e segunda base Jerry Hairston. "Mi ta contento cu el a cay aden, pero lastimamente mi'n score, pero mi ta contento cumi a logra e prome". "Mihor awo cu otro aña", e manager John Farrell a bisa. E wegá tabata na television di FOX, so Bogaerts su wegá por a ser mira na Aruba. Su ruman homber, Jair, tabata na e wegá na Los Angeles, pero su mama no por tabata presente, di cual lo wak e siman aki na Fenway Park. "Spera hopi hende di Aruba a wak'e", Bogaerts a bisa. Durante e entrevista tabata tin un problema pa compronde un pregunta di periodista. Un reportero tabata kier sa kiko Bogaerts lo hasi cu e bala, dus e bala cu el a dal como su prome hit. Bogaerts no a gara e pregunta directamente, di cual su contesta tabata: "Kiko mi ta bay hasi cu e bala?", Bogaerts a bisa. "Dal'e". Despues cu a bise cua bala kiermen, Bogaerts a bisa cu esey lo ta un souvenir cu e lo hiba cas cun'e. "Trece bek cas di mi famia, pone den un lugar bunita", el a bisa.

